

MME UKPEP-ŊKPỌ JESUS KE ABAÑA USEN SABBATH YE MME MBUME EFEN

Matthew 12:1-50

QYQHỌ UKPEP-ŊKPỌ 42

Eke Ikpọ Owo

IKỌ IBUOT: “Ekenam usen Sabbath enọ owo, inamke owo inọ usen Sabbath” (Mark 2:27).

I Eneni Mme Pharisee Ye Jesus Ke Abaņa Usen Sabbath

- 1 Edori Enye Ikọ usọp-usọp, Matthew 12:1, 2; Mark 7:6; Luke 6:7; John 9:16
- 2 Mbet eyom udia nte David akanamde, Matthew 12:3-5; 1 Samuel 21:6; Deuteronomy 23:24, 25
- 3 Christ etiń ańwa-ańwa ikọ ke abaņa ńkońkan idaha Esie, Matthew 12:6; John 3:31; Mme Hebrew 3:3; ńwede Mbon Colossae 1:18; Luke 11:31
- 4 Jesus edi Qbọń Sabbath, Matthew 12:7, 8; Mark 2:27, 28; Luke 6:5; ńwede Mbon Colossae 2:16
- 5 Mme Pharisee eyom ikọ ndori-uyo ke abaņa Jesus koro Enye ọkọkde udọńọ ke usen Sabbath, Matthew 12:9, 10; Luke 6:6
- 6 Jesus ayarade unana-iwuk mmọ emi ebupde Enye mbume, Matthew 12:11; Luke 6:9; John 7:23
- 7 Ekọk owo udọńọ ke usen Sabbath, Matthew 12:12, 13; Hosea 6:6; Micah 6:8; John 5:9

II Ediomimi Mme Pharisee Ndiwot Jesus

- 1 Mmọ eduk odu ebaņa Eyen Abasi, Matthew 12:14; Utom Mme Apostle 23:12; Genesis 37:18; Daniel 6:4
- 2 Isaiah, anditiń ntiń-nnim ikọ, ama ooro Jesus, Matthew 12:15-21; ńwede Mbon Philippi 2:5-11
- 3 Christ ke osuk ọkọkọk mmọ eke etienede Enye, Matthew 12:22; 15:30; 17:18; Mark 1:31; 10:52; Luke 7:21; John 4:50-53; Isaiah 53:4, 5; James 5:14-16

III Edori Jesus Uyo Ete Ke Ada Odudu Beelzebub Ebin Demon

- 1 Idem ama akpa mme owo ke utibe erikọk, Matthew 12:23; 13:54; 22:41-46
- 2 Mme Pharisee edori Christ uyo ete ke ọbọ odudu Esie oto demon, Matthew 12:24; Luke 6:10, 11; John 10:20
- 3 Ekan mmọ emi ekedoride Jesus ikọ, Matthew 12:25-29; Isaiah 11:2; ńwede Mbon Colossae 2:3; Luke 11:19-22
- 4 Qbọń nnyin owut sańa-sańa ubahare, Matthew 12:30; Luke 11:23; John 10:1; Ezekiel 18:4; 1 John 3:7, 8; 5:18
- 5 Jesus oduri mme Pharisee utọń abaņa idiọk itie emi mmọ edude, Matthew 12:31-37; Mark 3:29; Utom Mme Apostle 7:51

IV Edisua Emi Jesus Asuade Qnọ Mme Oyom Idiọńọ

- 1 Mme Pharisee eyom idiọńọ inyuń idighe nda-usuń Abasi, Matthew 12:38, 39; Luke 11:16; John 4:48; 1 ńwede Corinth 1:22
- 2 Mbon obio Nineveh ye Qbọń-ańwan Sheba eyebiom mme Jew ikpe, Matthew 12:40-42; 2 ńwede Thessalonica 2:11, 12
- 3 Eyarare akpatre idaha mme Jew emi edude ke mfiak-edem, Matthew 12:43-45; Luke 11:24-26; 2 ńwede Peter 2:20
- 4 Jesus etiń ayarare mmọ emi edide nditọ ete akpanikọ, Matthew 12:46-50; Mme Hebrew 2:11.

SE EKPEPDE EBAÑA

Edinim usen Sabbath edi akpa ńkpọ emi esede ke ukpep-ńkpọ nnyin; sia edide akpan ńkpọ nte nnyin itim iyọhọ ye ifiọk ke abaņa isań nnyin nte nditọ Abasi ke ererimbot, ntre edi akpan ńkpọ nnyin ndidiọńọ idaha nnyin ke abaņa usen Sabbath. Emanam emi qyqhọ ye unana uteńe ke abaņa usen emi Qbọń nnyin osiode onim sańa-sańa nte usen ukpono ye editeńe Abasi, edi nte nnyin ikpepde ńwede Abasi, inyuń iyakde esit nnyin inọ mme ukpep-ńkpọ Jesus, nnyin iyekut ite ke edinim usen Sabbath idighe se edade mfefere-mfefere.

Usen-Qbọń emi edide Sabbath mme anditiene-Christ edi edisana usen ke ntre ana ikpono enye. Owo emi okponode Abasi ye Ikọ Esie ikemeke ke esit esie ndida but me unana ukpono nnọ Eti-mbuk ke enye ndika mme

isañ inemesit ye mme itie ntre ke usen emi Abasi osiode onim saña-saña man ekedi ndien enye ndidep, ndinyam, me ndinam mbubehe okuk efen ekededi.

Iduhe Eyen Abasi emi akananam ekutde enye ke mme itie idiok-ñkpọ ke Usen-Ọbọñ me ke usen efen ekededi, edi saña-saña ukpono ye uteñe ana odu ọnọ usen-Ọbọñ. Nte Usen-Ọbọñ, ana ebiat enye ke edituak ibuot ye editene Abasi, Andibot nnyin, ye Jesus Christ Ọbọñ Sabbath ye Enye emi Eriset Esie ke mkpa anamde obufa uduot-obot ekeme ndidu. Abasi eyenọ ọyọhọ-ọyọhọ ñkpọ-eyen-utom ke idara, emem ye inemesit esọk ukpọñ eke okponode Enye ntem ye usen Esie.

Ke ibet duop, etiñ enọ nnyin ete “ti usen Sabbath nyuñ nim enye ke edisana.” Ediwak owo eyom ndibiom nnyin ikpe ke abaña nnyin ndinim Sabbath mme anditiene-Christ, akpa usen-urua; edi sia Jesus okponode onyuñ ọdiñde usen oro ke eriset Esie ke mkpa, ye Enye ndiwut mbet Esie emi ebohode ọtọ kiet idem, ọkọrọ ye emi Edisana Spirit Esie enemde esit ndisọñọ usen emi nte usen ukpono ke mme isua 1900; tọñọ ke ini oro, ekem ndien ndiwut kpukpru owo emi, ke ofuri esit eyomde akpanikọ, nte ke usen-Ọbọñ edi usen oro Abasi emekde. Sabbath mme Jew inyenekere ñkpọ ndinam ye ufọk-Abasi Christ, mme ufọk-Abasi Christ ndinyene ebuaana ye Sabbath mme Jew. Sabbath mme Jew edi se ibet eketemede nditọ Israel ete enam. Mme ikpọ ñwed emi ekewetde enọ esọk mme ufọk-Abasi Christ itiñke ñkpọ ibaña Sabbath mme Jew ndomo ini kiet, mme itie ndidu ke mme ñwed emi eke enọde item ete enim Sabbath mme Jew.

Ikọ Abasi etiñ ibat-ibat mme ñkpọ emi ọfọnde nnyin nditi ke abaña erinim usen Sabbath. Christ ikedighe ndibiat ibet edi ekedi ndinam enye ọyọhọ. Ke ini David ye mme nsaña esie ekefehede man ebọhọ Saul, mmọ ema edu ke anyan ini idiaha ñkpọ ndien biọñ ama ọdọñ mmọ. Mmọ ema eka etiene oku emi mikenyenekere udia ndinọ mmọ, ke mibọhọke uyo iso emi ekenimde ke iso Abasi. Ekedi edisana uyo emi akanade mme oku ikpọñ-ikpọñ eta ke ini edoride obufa uyo ke okpokoro. Ke ifet emi, oku ama ada uyo emi ọnọ David ye ikọt esie, mmọ enyuñ eta. Edinam emi ekeme nditie nte edibiat ibet, edi mfina mmọ emi ama okpon akaha, onyuñ akan ibet eti-eti. Jesus etiñ ọnọ nnyin ete ke ekenam usen Sabbath ke ufọn owo, inamke owo inọ usen Sabbath. Odu ñkpọ kiet emi Jesus ekemende owut emi okponde akan ibet, oro edi mbọm. Edieke mikpedighe mbọm Abasi, kpukpru nnyin ikpedi se enimde enọ nsobo, edi oto ke mbọm nnyin ikabare idi mme adia akpa eñwọñọ (James 2:5).

Mme Pharisee ekpekena ekut ete ke mbet ekeyom udia, ema enyuñ enyene se mmọ ekeyomde; edi kpa nte mme okut-idem, emi edude ke kpukpru emana, mmọ ekeyom ndimenere itie mmọ ke enyọñ ndinyuñ nsio ndudue mbon efen nnyan (Matthew 7:5). Ido mmọ ikasañake ye mbọm, edi, ekedi eke ikpe (Matthew 7:12). Sia ekenamde Sabbath ke ufọn owo, Jesus ke Idemesie okonyuñ edide Ọbọñ Sabbath, ama otim odot, onyuñ ọfọn nte ewutde mbọm saña-saña ke usen oro. Jesus ama ọkọk owo emi ubọk akpade ke usen Sabbath onyuñ afiak owut mbọm. Ke akpanikọ, mme odori owo uyo, kpa mme Pharisee ema edu do, ndibiñọ edieke ekemede. Mmọ ekeyom se enyin owo okutde, edi oro akananam idighe se utom Abasi oyomde. Ima ye mbọm ededu ke edem kpukpru ikọ Esie, ekikere, ye edinam. Ediwak owo mfin eyeyom nditiene idiñọ; edi edieke mmọ ekpetienede Ikọ Abasi enyuñ ekwọrọde Ikọ Abasi, mme idiñọ oro ekpetiene mmọ.

Sia Christ edide uwut-ñkpọ nnyin, emi otim anam añaña nnen-nnen ido nte ikpedude uwem. Mme Pharisee ema edu ke ata ndudue ke ndikoyom ndisua nnọ utom mbọm ke usen ekededi, ñko, akpan-akpan ke usen Sabbath. Jesus ama eti mmọ oro ebiomde Enye ikpe ete ke edieke owo mmọ kiet enyenede erọñ, kpa ikpikpu unam emi ọduode oduk ke obube ke usen Sabbath, ke mmọ ikpebiatke ini ndinyaña enye. Edi ke ekikere mmọ, owo, kpa odu-uwem ukpọñ, ikponke ikem nte ekpetuade mbọm ke usen Sabbath.

Edu edinam oro edi ido kpọt. Edisuk ñka iso nnim mme ido ye mme ikpikpu edinam idighe ofuri ukpep-ñkpọ emi etop Eti-mbuk akamade. Edinyaña nsio ke idiok-ñkpọ ke mbọm Abasi emi edepde ke iyip Jesus emi ọkọduọhọde ke krọs Calvary edi ñkukure akpan ñkpọ emi eyomde. Mme ikpikpu erinam, okposuk edi mmọ ediyede ke esiode erinyaña efep ye mbọm Abasi, etie nte okpoho eke oyomode mme nte akpañkpañ eke anamde uyom. Ada se ikponde ikan mme ñkpọ ererimbot eke ekutde enyọñ-enyọñ ndibọ edinyime nto Ọbọñ koro Abasi esede esit (1 Samuel 16:7). Se ererimbot ekponode, mme enyuñ edade nte akpan ñkpọ idiwọrọke ñkpọ ndomo kiet ke Iso Ubierikpe Abasi.

Odu kaña ibuot ikọ efen ke ukpep-ñkpọ nnyin eke enyenede akpan ufọn, ndien oro edi Erikọk Emi Otode Abasi. Ke Isaiah, ibuot 53, nnyin imokut eñwọñọ emi midighe eke Messiah kpa Andifak ikpọñ, ñko, edide eke Erikọk Emi Otode Abasi (Isaiah 53:1-5; Matthew 8:16, 17). Ke Ñwed emi James ewetde, etiñ enọ nnyin ete ibem iso ibọñ akam ke ini udọñọ, ndien nnyin ikot mbiowo ufọk-Abasi, edieke anade nte isuk inam ntre, ndien Abasi iditreke ndikpono nnyin sia iketienede Ikọ Esie. Nnyin imekeme ndibuot idem ye Abasi ke erikọk-udọñọ nnyin, ndien Enye idikpuhu nnyin. Ti ete, ke eritọñọ, Abasi okobot owo (Genesis 2:7); ndien Abasi otim enyene ifiok abaña nte mme ñkpọ ebonode ke idem nnyin. Edi ata eti ibuot, ndien, ndiyom erikọk nto Abia Ibok Emi Okponde Akan utu ke edika mbine owo eke ifiok esie edide ke ibat-ibat isua.

Jesus ama ayarare ọnọ idut mme Jew iborọ edika iso ke usuñ idiok emi mmọ ekesuk ekade. Mmọ ema enyene ufañ, ema enyuñ enyene uñwana; edi Spirit Abasi ikoduhe. Owo mfiak-edem ekededi ebet ini eke edidehe spirit edifiakde itiene enye uwak uwak. Emi ama otibe ọnọ Israel; ndien oto do, nsio-nsio ñkpọ-nnam esim Idut oro ke mme akpatre usen emi.

MME MBUME

- 1 Ke abañā nso ke mme Pharisee ekebiom mbet ikpe?
- 2 Nte Akani Ediomi asañade, mme edibiom ikpe mmọ ama enyene isọñ?
- 3 Nso utọ idaha ke Christ ada ke abañā usen Sabbath?
- 4 Nam añwañā ntak emi ekenende Jesus ndikọk udọñọ ke usen Sabbath.
- 5 Nso idi isọñ eke mme Pharisee ekedade erinim mmọ nte ke edi idiok-ñkpọ ndikọk udọñọ ke usen Sabbath?
- 6 Mmọñ ke mme andibiom ikpe eyom inim nte do ke Christ akada odudu ndibin mme demon?
- 7 Nte Jesus ke akaka iso ndikọk mmọ oro eke ebetde Enye?
- 8 Nte mme anditiene-Chris eyom mme idiọñọ?
- 9 Nso idi akpatre itie owo, eke ini kiet ko, ama ọkọfiok Abasi, edi ekem, afiak ọduọ oduk ke idiok-ñkpọ?